

省齋文彙卷第二十七

廬陵周益國文忠公集二十七

同邑裔孫蓮

壽祺

重校刊

啟書狀

除右相答洪內翰啟

淳熙十四年

備數樞庭何有籌前之畧升班鼎路寔無歇後之譏方切慙顏
遽勤慶問眷私厚甚翰墨粲然承借重於北扉專主盟於南省
對夜蓮而視草雖微褒袞之榮放春榜而登庸尙繼耕莘之盛
其爲感頌交集襟懷敢冀高明曲垂炳亮

回葛尙書云欲致感藏併伸頌禱秋官久次遠
猷屢沃於淵衷春榜高張大用行遵於故實

答王丞相啟

悚感交懷喻言奚旣

回金陵錢參政啟

比審聖心念舊宸渥加新超秘殿之大名仍陪都之重寄演綸
四達贊美同辭恭惟某官百行備乎一身多文該乎六藝用之
致主在臯夔稷契之間推以牧民出召杜龔黃之上久茲居守
藉甚能名吏畏之如神明人倚之爲父母至於儲糧而備歲歉
捐俸以寬民租世之所難公有餘裕姑疏榮而進律卽趣召以
柄朝旣類蕭何畱關中而入相必同欽若帥江表以登庸上意
則然僉言攸屬某比勤公札仰佩謙光適銜太極之哀遂廢小
夫之牘其爲愧悚未易名言

同太平州張閣學士

子穎啟

掄才禁路分鎮當塗條教一新謹謠四起恭惟某官鍾英河嶽
被遇冕旒獻納論思名夙高於法從中和宣布課屢最於藩方
乃眷舊邦游煩臥理吟翰林之風月壯牛渚之江山卽奉賜環
遂榮聽履某俶瞻去旆已辱來緘欣感交深敷陳奚旣

回史待制

彌大啟

茂膺帝渥歸奉親懽正持橐之朝班領遊帷之仙籍身名俱泰
忠孝兼全恭惟某官博洽傳家謙恭迪德秉心無競有眞長者
之風見義必爲得烈丈夫之槩生雖由乎富貴力自致其功名
允藉論思倏懷定省懇懇忱詞之布煌煌異數之加以禁從而

壯觀實掩前聞視劉寵以有光佇次公之入相某方修慶牘過
沐華緘佩謙德之滋隆愧懦衷之不敏其爲欣感莫究名言

答婺州蔣尚書

繼周
啟

茲承涓選休辰奉宣寬詔光騰星婺潤浹日畿恭惟某官學識
該通風猷粹穆居則示安和之度動而形忠讜之言三獨坐之
立朝寄方隆於耳目一把麾而去國郡猶付於股肱諒方茂於
棠陰卽進儀於槐路尙稽修慶首辱貽緘在感悚以交深非叙
陳之得旣

回紹興帥殿撰張侍郎

杓
啟
淳熙十五年

茲承光膺臨遣榮寄保釐加書殿之清資示帥藩之異數恭惟

某官儒猷世濟家法躬行自還簪橐之班彌厚宸旒之眷屬漢
陵之初卜咨舜牧以往臨血指汗顏昔有旁觀之歎盤根錯節
今彰利器之功諒甫畢於因山卽遄歸而曳履某未遑馳問先
辱飛文佩刻滋深感藏無旣

回趙丞相啟

伏審就加恩渥因任藩符隆一品之文階增十連之壯觀詔除
甫下衆聽咸孚竊以賜位之崇有邦所重若稽漢制於上公而
比隆爰暨祔陵非舊弼而弗授倘任蕃宣之重必加稱謂之殊
久虛厥官今見盛舉恭惟某官忠醇簡亮博大通明奧學邛軻
之傳家言稷契之合身儀廊廟名震華夷姬旦居周奠枕底庶

邦之靖召公分陝懃棠隲四載之期雖懷歸屢貢於封章而注
想彌深於宸扆土疆未復正需變伐之謀揆岳迭居還後調元
之拜茲揚邦渙知聳民瞻某嘗布慶緘未修公牘重荷能謙之
施實增不敏之獻以昨領依莫勝借喻

同鄭尙書

丙

計齋詩

茲審茂隆上眷申人

采淹畱深鬱朝紳之望而里閭

燕息殆同晝繡之遊

里一時學關百聖銓曹詞掖

並高獻替之聲閩領稭

之績姑錫遊帷之命卽陪

籌幄之班某方欲馳辭

爲欣感未易敷言

同富沙程尙書

大

試言白玉之堂蚤陪後

雲之島幾作先驅遙聞幕府

之開倍切襟期之喜甚

結知惟舊陰功惠政

仁風搖扇掃殘暑

驛召何遲某方治

心欣感交懷指

同廬州鄭啓

疏榮宸宸分鎮淮壩威惠所加兵民胥悅恭惟某官持身廉恪

秉德靜共屢馳使傳之華久率賓臚之屬奉承密旨既深練於

邊防典治雄藩宜具孚於德意少需報政即趣還朝念修慶之

未遑辱貽緘之先逮其爲欣感未易敷陳

回王尙書

希呂

啟

冠班邃閣均逸遊帷宸眷彌加輿情交忭恭惟某官氣剛而裕
學博而醇抱文武之全材勵功名之壯志垂升廊肆復擁藩麾
三至淮壩民愛之如慈父獨當一面上倚之爲長城力尋香火
之盟暫適江湖之興觀禮遇之隆若此則延登之近可知某特
枉緘書備欽情謹其爲感悚未易敷陳

回施樞密賀冬啟

黃鐘氣應歲臨天統之初綠野景舒身逸璣衡之外居然百順
集此一陽恭惟某官名與功偕道隨剛長日萬幾而佐理久底

殊勛畫三接以承恩行躋元輔曾空函之未達辱華翰之先臨
感頌交深敷陳罔究

同施樞密賀年啟

淳熙十六年

厯正己酉倣紀歲年之端生當甲辰是爲天地之合灼然亨會
乃我宗工恭惟某官德與日新運隨時泰朔野甲兵之運昔談
笑以立銷平泉花木之春今優游而坐享顧右府方虛於使領
對昌期卽奉於召書方圖尺牘之修已辱華緘之貺其爲愧頌
未易殫論

拜左相同趙丞相啟

漢廷右地久矣躡居天道左旋茲焉序進內循忝冒祇益兢惶

伏念某材無他長愚乃自信昨結登畿之綬獨蒙傾蓋之歡慰
藉揄揚殆非一日疑丞輔弼遂閱十年在斥免以當然乃超踰
之滋甚覩顏外著感臆中深此蓋伏遇某官學號儒宗望推邦
棟杜房事業已兼謀斷之長文呂聲名方趣平章之召延英既
啟尙其何疑某過沐撫謙特貽華翰懇懇莫殫於心畫拳拳姑
俟於面陳氣序暄和征途暇豫願謹衛生之節來承注意之隆

同史丞相

浩啟

廟廷右地久矣躡居天道左旋茲焉序進內循忝冒祇益兢惶
伏念某材無他長愚乃自信每見輕於流輩獨倚重於儒先慰
藉揄揚殆非一日疑丞輔弼遂閱十年在斥免以當然乃超踰

之滋甚覲顏外著感臆中深此蓋伏遇某官盛德被躬至仁及物以厚風俗壽民生之脉以進人材堅邦國之基天惟監乎忱誠身自安於榮祿肆推餘蔭俯逮孤蹤某方欲馳詞已勤枉問占東垣之上相有慙垂象之光望南極之老人但致迎年之祝其爲愧荷罔究名言

回錢參政

良臣

啟

當軸處中積慚尸素正朝專面旋被恩榮忝冒滋多周章失措竊念某資身無策於世寡諧偶際運於千齡踵受知於三聖試之久矣竟無一日之長退亦宜然乃進百寮之長誰爲推輓宜有夤緣此蓋伏遇某官冠冕諸儒羽儀四近久擁碧油之旆誓

哦綠野之詩俯眷齊年嘗叨共政諒壺枯之非一宜借潤之在
茲比僅達於私書乃特勤於公札其爲感愧罔旣敷陳

除少保回錢參政啟

晝袞繡裳際兩宮之內禪象卑希冕躋左棘之崇資弗獲控詞
惟慚虛受竊念某都無術業但有遭逢十載政塗皆尸祿素餐
之日千齡聖旦適處中當軸之辰旣極文階遂聯孤保繫褒遷
之特異由幸會之非常跼蹐拜恩忸怩就列茲葢伏遇某官德
推輔世志切澤民紫樞之長方虛綠野之遊何慕俯眷趣承之
舊每加獎予之深坐使叨塵翼超倫比某方茲入謝正爾馳辭
已勤削牘之臨備紉鳴謙之意其爲感忤罔旣敷陳

除判潭州謝宰執啟

紹興三年

分麾楚境已叨起廢之恩通籍殿廷更翫懋官之典荷大鈞之
平施慙巧匠之旁觀伏念某猗無他長而好自用累卵至危而
弗悟奔車旣殆以猶馳向非上聖加憐羣公交助久合投身於
溝壑豈容遁跡於山林而三閱歲陰再勤鈞治西山卷雨甫辭
畫繡之榮湘水行春復假青毡之寵龍光所被駑鈍奚堪此蓋
伏遇某官德茂臯夔功崇閎散每作成於多士尤軫念於陳人
諒啟擬之頻煩致明塵之雜沓載念某年幾七十夙懷納祿之
心石冒四千今愧食功之誼屬方洗印未敢叩闥姑仰副於上
恩當嗣伸於下咽尙繫鴻造訖遂丹誠其在感悰曷勝言喻

謝史太師啟

鍾陵起鎮畏貝錦以辭行楚甸分麾還青毡而假寵上恩山嶽
孤跡淵冰竊思某久矣貪榮幾於患失積妨賢於政地紛召怨
於周行向非仰恃者天且有陰爲之地自應竄斥敢望全存何
期頻歲之間叠拜除書之下湘波浩蕩許以承流奎殿穹窿容
其通籍固出聖神之眷宥無培植之功茲蓋伏遇某官致主勲
高經邦道廣雖榮歸於故里每軫念於陳人諒因入覲以噓枯
遂藉裏言而起廢然某年齡已暮政術可知備孟子達尊者三
尚復爲臣之致况孔戡宜去者二敢當自助之畱姑少副於宸
衷卽勉追於賢躅庶無負平日高山之仰亦不辜異時流水之

知感詠交懷敷陳奚究

同隆興帥施樞密

師黜啟

雲飛南浦避賢路以辭行星壽長沙戴聖恩而強起鬱衡廬之
相望粲軫翼之分光况異時聯鳳沼之榮且頻歲共鴻樞之政
緬懷曩契載託寶鄰恭惟某官道德宗工文章雋老結兩朝之
深眷歷二府之巍班貝胄朱綬已奏藩方之課袞衣赤舄卽宣
揆席之麻某視印有初馳辭獨後疆連壤接葭倚玉以堪羞氣
合志同蘭斷金而有賴永言欣懌難盡敷陳

同靜江趙侍郎

思啟

春官攝武嘗陪綿蕞之儀楚甸分麾今托寶鄰之好方謀緘記

先辱摛詞恭惟某官喬木故家儒林宿望材術徧揚於中外事
功交著於邇遐閱歲海邦已膺褒璽指期魏闕遂秉政機某甫
達湘流正資河潤欽佇錫還之新渥首圖迂勞於近郊欣頌兼
懷敷陳奚究

同江陵章侍郎

森

啟

山帶衡陽隸荊州而成賦地瀕湘浦會江水而朝宗古尾楚而
附庸今浹湖而分鎮未講善鄰之寶先煩執訊之書恭惟某官
以義禮之文作詩書之帥威望比高於江左中和方布於渚宮
簡在九重秩已增於宣室延登兩社名豈減於次公乃眷疲駑
久親庇賴譬諸西燕竊寄興於東流幸以南貧復分光於北富